

Na osnovu člana 8 i 11.st.3.Odluke o spomen obilježjima na području Grada Bihaća („Službeni glasnik Grada Bihaća“broj 2/16) . člana 18.i člana 35.tačka c),Statuta Grada Bihaća („Službeni glasnik Grada Bihaća“broj 13/15), Gradsko vijeće Bihać, na sjednici, održanoj dana donosi:

O D L U K U

o podizanju spomen obilježja Petom korpusu Armije Bosne i Hercegovine

Član 1.

Podiže se spomen obilježje, Petom korpusu Armije Bosne i Hercegovine, kao umjetnička skulptura, u obliku mitskog konja „Pegaz“ simbola Petog korpusa Armije Bosne i Hercegovine.

Član 2.

Umjetnička skulptura iz člana 1.ove odluke, podiže se u obliku mitskog konja „Pegaz“ dimenzija 320X110X350 cm, sa postamentom dimenzija 400X200X50 cm, sa rašierenim krilima, stiliziranih u obliku slova “V“ simbola Petog korpusa, kao trajno obilježje jednog herojskog perioda Petog.korpusa Armije Bosne i Hercegovine u odbrani svoga grada.

Član 3.

Spomen obilježje podiže Grad Bihać u znak zahvalnosti Petom korpusu Armije Bosne i Hercegovine na pruženom herojskom otporu naroda prema agresiji na grad Bihać, kao simbola junaštva i slobode.

Član 4.

Mjesto podizanja spomen obilježja će se naknadno odrediti u skladu sa prostorno planskom dokumentacijom, izdavanjem urbanističko tehničkih uslova.

Član 5.

Na prednjoj strani postamenta u kamenu će biti isklesan tekst „PEGAZ“ visine 10 centimetara,a ispod njega tekst „PETI KORPUS ARMIJE BOSNE I HERCEGOVINE“ visine 7 centimetara u formi pisma Rimski kapitala oštri serif.

Član 6.

Spomen obilježje će biti podignuto u roku od jedne godine od dana izdavanja odobrenja za građenje.

Član 7.

Održavanje spomen obilježja, nakon njegove izgradnje i postavljanja se povjerava J.U. Zavod za prostorno uređenje Bihać.

Član 8.

Sredstva za finansiranje izgradnje spomen obilježja obezbjedit će se u Budžetu grada Bihaća i iz donatorskih sredstava.

Član 9.

Ova odluka stupa na snagu osmog dana od dana objavljivanja u Službenom glasniku Grada Bihaća.

Broj: _____

30.oktobar 2018.godine
B i h a ć

Predsjedavajući
Gradskim vijećem
Davor Župa

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK**

Broj: 07/2 /18
Bihać, 23.10.2018.godine

GRADSKO VIJEĆE BIHAĆ
-ovdje-

PREDMET: Prijedlog Odluke o podizanju spomen obilježja Petom korpusu Armije Bosne i Hercegovine

OBRAZLOŽENJE

I PRAVNI OSNOV

Pravni osnov za donošenje predložene odluke sadržan je u: članu 8. i 11. st. 3. Odluke o spomen obilježjima na području Grada Bihaća („Službeni glasnik Grada Bihaća“ broj 2/16), s kojim je regulisano da spomen obilježje, izgradnjom ili postavljanjem može podići Grad Bihać na osnovu odluke Gradskog vijeća i član 11. stav 3. koji određuje da Gradonačelnik upućuje prijedlog Gradskom vijeću koje donosi konačnu odluku.

- u članu 35. tačka c) Statuta Grada Bihaća („Službeni glasnik Grada Bihaća“ broj 13/15) koji propisuje da Gradsko vijeće u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

II RAZLOZI ZA DONOŠENJE

Općina Bihać je 17.11.2008 godine raspisala konkurs za izradu kiparskog idejnog rješenja-skulpture krilatog konja „Pegaz.“ Nakon provedene procedure Komisija je donijela Zaključak da konkursni rad pod šifrom DZ 2009 je zadovoljio kriterije koji su bili utvrđeni konkursom, a koji su predmet ocjenjivanja: kvalitet, jasna simbolika, savremen izraz, racionalnost rješenja, originalnost, uz napomenu da prije realizacije izabranog idejnog rješenja, potrebno je izvršiti korekciju istog, koja se odnosi na propoziciju postamenta tj. treba usvojiti prijedlog propozicije postamenta i skulpture Pegaza, kao i materijalizaciju obloge postamenta. Nakon svega komisija je predložila načelniku da se u skladu sa estetskim i umjetničkim dojmom rada predloži dodjelu druge nagrade autoru pod šifrom DZ 2009 Dizdarević Zlatku iz Velike Kladaše. Dana 04.05.2009.godine Općinski

načelnik je donio Zaključak broj:05/2-05-13590/08 o dodjeli nagrade i otkupu Konkursa za izradu idejnog rješenja. Sa autorom idejnog rješenja se trebao zaključiti ugovor, koji nije zaključen.

Sljedeća procedura koja slijedi nakon donošenja predložene odluke je pokretanje postupka javne nabavke u skladu sa Zakonom o javnim nabavkama.

Gradonačelnik Grada Bihaća obratio se autoru skulpture gosp.Zlatku Dizdareviću, a u vezi realizacije idejnog rješenja skulpture krilatog konja““Pegaz“.Da bi se išlo u realizaciju navedenog projekta potrebno je donijeti predloženu Odluku.

Razlozi za donošenje predložene Odluke nalaze se isključivo u želji i potrebi Grada Bihaća da se na jedan primjeren i adekvatan način oduži Petom. korpusu Armije BiH-a na nesebičnom i nadljudskom otporu prema nametnutoj agresiji na Grad Bihać i državu Bosnu i Hercegovinu. Upravo taj herojski čin odbrane i slobode naroda bio je presudan u izboru ideje za spomeničku simboliku, što je rezultiralo izborom figure propetog mitskog konja, sa isturenim prednjim nogama, raširenim krilima stiliziranih u obliku slova „V.“

Kada se sa današnje vremenske distance posmatra period rata 92. – 95. godina možemo bez imalo zadržke shvatiti o kakvom se nadljudskom otporu, daleko nadmoćnijem agresoru, radilo. Tako da sam odbir umjetničke figure propetog mitskog konja „PEGAZ“ predstavlja više nego realnu potrebu za trajnim obilježjem jednog herojskog perioda Petog. korpusu Armije BiH, u odbrani svog grada i krajiškog naroda. Sama simbolika mitskog konja „PEGAZ“ predstavlja nadprirodnu snagu, a kada povučemo simboličnu paralelu između „PEGAZA“ kao mitskog konja – grčke mitologije i Petog korpusa Armije BiH-a, upotpunosti je adekvatan odabir umjetničke figure, koji je podudaran sa snagom i ulogom Petog. korpusa Armije BiH-a u proteklom odbrambenom ratu.

III FINANSIJSKA SREDSTVA

Odluka će se realizirati sredstvima Budžeta Grada Bihaća i donatorskim sredstvima te je za tu namjenu u Rebalansu budžeta za 2018 godinu planirano 30.000,00 KM i u Budžetu grada Bihaća za 2019. godinu potrebno je planirati cca 170.000 KM.

Prilog: Prijedlog Odluke

Gradonačelnik
Šuhret Fazlić

**BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
GRAD BIHAĆ
GRADONAČELNIK**

Broj:

Bihać, 23.10.2018. godine

Na osnovu člana 140. Poslovnika o radu Gradskog vijeća ("Sl. glasnik Grada Bihaća", broj 03/16), a u vezi sa članom 52. stav 1. tačka b Statuta Grada Bihaća ("Službeni glasnik Grada Bihaća" broj 13/15) Gradonačelnik u svojstvu predlagača odluka i drugih akata

ODREĐUJE

za izvjestioca

na 27. sjednici Gradskog vijeća i radnim tijelima Gradskog vijeća:

1. Jadranku Redžić, pomoćnika gradonačelnika za opću upravu i društvene djelatnosti

a prema prijedlogu tačke dnevnog reda:

Prijedlog Odluke o podizanju spomen obilježja Petom korpusu Armije Bosne i Hercegovine

Gradonačelnik
Šuhret Fazlić